

Nýsköpunarsjóður atvinnulífsins

Ársreikningur 2024

Nýsköpunarsjóður atvinnulífsins
Kringlunni 7
103 Reykjavík

kt. 691097-2859

Efnisyfirlit

Skýrsla og áritun stjórnar og framkvæmdastjóra	3
Áritun óháðs endurskoðanda	4
Rekstrarreikningur	6
Efnahagsreikningur	7
Sjóðstreymisyfirlit	8
Skýringar	9

Skýrsla og áritun stjórnar og framkvæmdastjóra

Tilgangur Nýsköpunarsjóðs atvinnulífsins er að stuðla að uppbyggingu og vexti íslensks atvinnulífs með því að taka þátt í fjárfestingum í sprota- og nýsköpunarfyrirtækjum.

Ársreikningur Nýsköpunarsjóðs atvinnulífsins er gerður í samræmi við lög um ársreikninga og reglugerð um framsetningu og innihald ársreikninga.

Nýsköpunarsjóður atvinnulífsins er sjálfstæð stofnun í eigu ríkisins.

Rekstur

Á árinu 2024 nam hagnaður af rekstri sjóðsins 123,3 millj. kr. að teknu tilliti til varúðarniðurfærslu. Eigið fé í lok árs nam 4.874 millj. kr. Vísað er til skýringa í ársreikningnum varðandi ráðstöfun hagnaðar og aðrar breytingar á eiginfjárreikningum á árinu. Á árinu 2024 störfuðu að meðaltali 3 starfsmenn hjá sjóðnum.

Rekstur sjóðsins var með besta móti og ber þar hæst sala á eignarhlut sjóðsins í Kaptio. Sem fyrr þarf eignasala að standa bæði undir rekstri sjóðsins og fjárfestingum ársins.

Starfsemi sjóðsins var með hefðbundnum hætti en litaðist nokkuð af því að í lok júní voru samþykkt lög um Nýsköpunarsjóðinn Kríu sem skyldi taka yfir allar eignir og skuldbindingar Nýsköpunarsjóð atvinnulífsins og Kríu sjóða sjóðs frá og með 1. janúar 2025.

Þann 1. janúar 2025 var sjóðurinn lagður niður og nýr sjóður stofnaður af ríkinu, Nýsköpunarsjóðurinn Kría sem tók yfir allar eignir og skuldir sjóðsins og Kríu- sprota og nýsköpunarsjóðs.

Yfirlýsing stjórnar og framkvæmdastjóra

Samkvæmt bestu vitneskju er það álit okkar að ársreikningurinn gefi glögga mynd af rekstrarafkomu sjóðsins á árinu 2024, efnahag sjóðsins 31. desember 2024 og breytingu á eigin fé á árinu, í samræmi við lög um ársreikninga og reglugerð um framsetningu og innihald ársreikninga.

Stjórn Nýsköpunarsjóðs atvinnulífsins staðfestir hér með ársreikning sjóðsins fyrir árið 2024 með undirritun sinni.

Reykjavík, 10. mars 2025

Stjórn

Ásta Dís Óladóttir
Sigríður Mogensen
Ragnhildur Jónsdóttir
Róbert Farestveit
Valdimar Halldórsson

Framkvæmdastjóri

Hrönn Greipsdóttir

Áritun óháðs endurskoðanda

Til stjórnar og eiganda í Nýsköpunarsjóði atvinnulífsins.

Áritun um endurskoðun ársreiknings

Álit

Við höfum endurskoðað meðfylgjandi ársreikning Nýsköpunarsjóðs atvinnulífsins fyrir árið 2024. Ársreikningurinn hefur að geyma skýrslu stjórnar og framkvæmdastjóra, rekstrarreikning, efnahagsreikning, yfirlit um sjóðstreymi, upplýsingar um mikilvægar reikningsskilaaðferðir og aðrar skýringar.

Það er álit okkar að ársreikningurinn gefi glögga mynd af afkomu sjóðsins á árinu 2024, efnahag hans 31. desember 2024 og breytingu á handbæru fé á árinu 2024, í samræmi við lög um ársreikninga.

Í samræmi við ákvæði 2. mgr. 104 gr. laga nr. 3/2006 um ársreikninga staðfestum við samkvæmt okkar bestu vitund að í skýrslu stjórnar sem fylgir ársreikningi þessum eru veittar þær upplýsingar sem þar ber að veita í samræmi við lög um ársreikninga og koma ekki fram í skýringum.

Grundvöllur fyrir álit

Endurskoðað var í samræmi við alþjóðlega endurskoðunarstaðla. Ábyrgð okkar samkvæmt þeim stöðlum er nánar lýst í kaflanum um ábyrgð endurskoðanda hér að neðan. Við erum óháð sjóðnum í samræmi við settar siðareglur fyrir endurskoðendur á Íslandi og höfum uppfyllt ákvæði þeirra. Við teljum að við endurskoðunina höfum við aflað nægilegra og viðeigandi gagna til að byggja álit okkar á.

Ábyrgð stjórnar og framkvæmdastjóra á ársreikningnum

Stjórn og framkvæmdastjóri eru ábyrg fyrir gerð og framsetningu ársreikningsins í samræmi lög um ársreikninga. Stjórn og framkvæmdastjóri eru einnig ábyrg fyrir því innra eftirliti sem nauðsynlegt er varðandi gerð og framsetningu ársreikningsins, þannig að hann sé án verulegra annmarka, hvort sem er vegna sviksemi eða mistaka.

Við gerð ársreikningsins eru stjórn og framkvæmdastjóri ábyrg fyrir því að meta rekstrarhæfi sjóðsins. Ef við á, skulu stjórn og framkvæmdastjóri setja fram viðeigandi skýringar um rekstrarhæfi og hvers vegna ákveðið var að beita forsendunni um rekstrarhæfi við gerð og framsetningu ársreikningsins, nema stjórn og framkvæmdastjóri hafi ákveðið að leysa sjóðinn upp eða hætta starfssemi, eða hafa enga aðra raunhæfa möguleika en að gera það.

Stjórn skal hafa eftirlit með gerð og framsetningu ársreikningsins.

Ábyrgð endurskoðanda á endurskoðun ársreikningsins

Markmið okkar er að afla nægjanlegrar vissu um að ársreikningurinn sé án verulegra annmarka, hvort sem er af völdum sviksemi eða mistaka og að gefa út áritun sem felur í sér álit okkar. Nægjanleg vissu er mikil vissu, en ekki trygging þess að endurskoðun framkvæmd í samræmi við alþjóðlega endurskoðunarstaðla muni uppgötva allar verulegar skekkjur séu þær til staðar. Skekkjur geta orðið vegna mistaka eða sviksemi og eru álitnar verulegar ef þær gætu haft áhrif á fjárhagslega ákvarðanatöku notenda ársreikningsins, einar og sér eða samanlagðar.

Áritun óháðs endurskoðanda, frh.:

Endurskoðun okkar í samræmi við alþjóðlega endurskoðunarstaðla byggir á faglegri dómgreind og beitum við faglegri tortryggni í gegnum endurskoðunina. Við framkvæmum einnig eftirfarandi:

- Greinum og metum hættuna á verulegri skekkju í ársreikningnum, hvort sem er vegna mistaka eða sviksemi, hönnum og framkvæmum endurskoðunaraðgerðir til að bregðast við þeim hættum og öflum endurskoðunargagna sem eru nægjanleg og viðeigandi til að byggja álit okkar á. Hættan á að uppgötva ekki verulega skekkju vegna sviksemi er meiri en að uppgötva ekki skekkju vegna mistaka, þar sem sviksemi getur falið í sér samsæri, skjalafals, misvísandi framsetningu ársreiknings, að einhverju sé viljandi sleppt eða að farið sé framhjá innri eftirlitsaðgerðum.
- Öflum skilnings á innra eftirliti, sem snertir endurskoðunina, í þeim tilgangi að hanna viðeigandi endurskoðunaraðgerðir, en ekki í þeim tilgangi að veita álit á virkni innra eftirlits sjóðsins.
- Metum hvort reikningsskilaaðferðir sem notaðar eru, og tengdar skýringar, séu viðeigandi og hvort reikningshaldslegt mat stjórnenda sé raunhæft.
- Ályktum um notkun stjórnenda á forsendunni um rekstrarhæfi og metum á grundvelli endurskoðunarinnar hvort verulegur vafi leiki á rekstrarhæfi eða hvort aðstæður séu til staðar sem gætu valdið verulegum efasemdum um rekstrarhæfi. Ef við teljum að verulegur vafi leiki á rekstrarhæfi ber okkur að vekja sérstaka athygli á viðeigandi skýringum ársreikningsins í áritun okkar. Ef slíkar skýringar eru ófullnægjandi þurfum við að víkja frá fyrirvaralausri áritun. Niðurstaða okkar byggir á endurskoðunargögnum sem aflað var fram að dagsetningu áritunar okkar. Engu að síður geta atburðir eða aðstæður í framtíðinni valdið óvissu um rekstrarhæfi sjóðsins.
- Metum í heild sinni hvort ársreikningurinn gefi glögga mynd af undirliggjandi viðskiptum og atburðum, metum framsetningu, uppbyggingu, innihald og þar með talið skýringar með tilliti til glöggrar myndar.

Okkur ber skylda til að upplýsa stjórn meðal annars um áætlað umfang og tímasetningu endurskoðunarinnar og veruleg atriði sem komu upp í endurskoðun okkar, þar á meðal verulega annmarka á innra eftirliti sem komu fram í endurskoðuninni, ef við á.

Reykjavík, 10. mars 2025

Advant endurskoðun ehf.

Sveinn R. Reynisson
endurskoðandi

Rekstrarreikningur ársins 2024

	Skýr.	2024	2023
Fjármunatekjur og fjármagnsgjöld			
Afkoma af eignarhlutum í félögum		152.631	314.033
Afkoma af samlagssjóðum		0	21.094
Niðurfærsla eignahlutatengdra lána		0 (	26.778)
Breyting niðurfærslu mótframlagslána		40.000 (	102.000)
Vaxtatekjur	10	39.790	32.522
Gengismunur markaðsverðbréfa		19.291	9.539
Samtals		<u>251.712</u>	<u>248.410</u>
Rekstrartekjur og rekstrargjöld			
Aðrar rekstrartekjur		47.104	56.025
Laun og launatengd gjöld	11 (	107.949)	(101.776)
Annar rekstrarkostnaður	(	67.542)	(76.165)
Samtals		<u>(128.387)</u>	<u>(121.916)</u>
Hagnaður ársins		<u>123.325</u>	<u>126.494</u>

Efnahagsreikningur 31. desember 2024

	Skýr.	31.12.2024	31.12.2023
Eignir			
Eignarhlutir í félögum	12	2.856.378	2.963.740
Samlagssjóðir og samlagshlutfélög	14	864.600	864.600
Almenn útlán	15	185.956	173.650
Mótframlagslán	16	285.392	312.971
Aðrar fjáreignir	17	151.271	71.271
Aðrar skammtímakröfur		5.649	12.872
Markaðsverðbréf, fjárvarsla	19	204.886	228.822
Handbært fé		363.174	156.880
Eignir samtals		<u>4.917.306</u>	<u>4.784.806</u>
Eigið fé			
Stofnfé		5.521.767	5.521.767
Annað eigið fé		(648.204)	(771.529)
Eigið fé samtals	20	<u>4.873.563</u>	<u>4.750.238</u>
Skuldir			
Aðrar skammtímaskuldir		43.743	34.568
Skuldir samtals		<u>43.743</u>	<u>34.568</u>
Eigið fé og skuldir samtals		<u><u>4.917.306</u></u>	<u><u>4.784.806</u></u>

Sjóðstreymisyfirlit árið 2024

	Skýr.	2024	2023
Rekstrarhreyfingar			
Hagnaður ársins	20	123.325	126.494
Rekstrarliðir sem hafa ekki áhrif á fjárstreymi			
Fjármunatekjur og fjármagnsgjöld	(	251.712)	(248.410)
Veltufé til rekstrar	(	128.387)	(121.916)
Breytingar á rekstrartengdum eignum og skuldum		16.398	11.274
Handbært fé fyrir vexti	(	111.989)	(110.642)
Innheimtar vaxtatekjur		12.151	20.585
Handbært fé til rekstrar	(	99.838)	(90.057)
Fjárfestingahreyfingar			
Ný útlán	15 (	40.000)	(128.461)
Aðrar fjáreignir	(	100.000)	(71.271)
Fjárfesting í eignarhlutum í félögum	(	44.000)	(153.987)
Seldir eignarhlutir í félögum		435.506	125.829
Fjárfesting í samlagssjóðum		0	(500.000)
Útborgað úr samlagssjóðum		0	21.094
Fjárvarsla markaðsverðbréfa, breyting		39.347	552.827
Afborganir útlána og mótframlagslána		14.700	0
Fjárfestingahreyfingar		305.553	(153.969)
Hækkun (lækkun) á handbæru fé		205.715	(244.026)
Áhrif gengisbreytinga á handbært fé.....		579	(2)
Handbært fé í ársbyrjun		156.880	400.908
Handbært fé í lok árs		363.174	156.880

Skýringar

1. Félagið

Nýsköpunarsjóður atvinnulífsins starfar samkvæmt lögum nr. 61/1997 og er samkvæmt þeim sjálfstæð stofnun í eigu íslenska ríkisins. Yfirumsjón með sjóðnum er í höndum háskóla-, iðnaðar- og nýsköpunarráðherra. Hlutverk Nýsköpunarsjóðs er að stuðla að uppbyggingu og vexti íslensks atvinnulífs með því að taka þátt í fjárfestingum í sprota- og nýsköpunarfyrirtækjum. Í þessu skyni er sjóðnum heimilt að leggja fram hlutafé, veita lán og ábyrgðir.

2. Grundvöllur reikningsskila

Ársreikningur Nýsköpunarsjóðs atvinnulífsins fyrir árið 2024 er gerður í samræmi við lög um ársreikninga og settar reikningsskilareglur. Ársreikningurinn byggir á kostnaðarverðsreikningsskilum, að því undanskyldu að markaðsverðbréf sem skráð eru á virkum markaði eru færð á gangvirði. Ársreikningurinn er gerður eftir sömu reikningsskilaaðferðum og árið áður. Ársreikningurinn er gerður í íslenskum krónum og fjárhæðir eru birtar í þúsundum.

3. Mat og ákvarðanir

Við gerð ársreiknings þurfa stjórnendur, í samræmi við lög um ársreikninga, að taka ákvarðanir, meta og draga ályktanir sem hafa áhrif á eignir og skuldir á reikningsskiladegi, upplýsingar í skýringum og tekjur og gjöld. Við mat og ályktanir er byggt á reynslu og ýmsum öðrum þáttum sem taldir eru viðeigandi og mynda grundvöll þeirra ákvarðana sem teknar eru um bókfært verð eigna og skulda sem ekki liggur fyrir með öðrum hætti. Endanlegar niðurstöður kunna að verða frábrugðnar þessu mati.

Mat og forsendur eru í stöðugri enduskoðun. Breytingar á reikningshaldslegu mati eru færðar á því tímabili sem þær eiga sér stað.

4. Erlendir gjaldmiðlar

Peningalegar eignir og skuldir í erlendum gjaldmiðlum eru færðar miðað við gengi í lok reikningsárs. Gengismunur sem myndast er færður í rekstrarreikning.

5. Fjármagnskostnaður

Allur fjármagnskostnaður er færður í rekstrarreikning á því tímabili sem hann fellur til.

6. Skattamál

Sjóðurinn er undanþeginn tekjuskatti.

7. Fjáreignir

Eignarhlutir í félögum, fjárfesting í samlagssjóðum og útlán sem ætlunin er að eiga fram á gjalddaga eru metin á kostnaðarverði. Ef gangvirði fjáreigna er lægra en kostnaðarverð er færð gangvirðislækkun á eignina þannig að bókfært verð sé ekki hærra en gangvirði.

Markaðsverðbréf eru verðbréf sem skráð eru á virkum markaði og keypt í þeim tilgangi að hagnast á skammtímaverðbreytingum. Markaðsverðbréf eru færð á markaðsvirði og færast matsbreyting í rekstrarreikning á því tímabili sem hann fellur til.

Skýringar, frh.:

8. Handbært fé

Handbært fé samanstendur af bankainnstæðum og eign í lausafjársgjöldum. Lausafjársgjöldir eru auðseljanleg markaðsverðbréf með skamman líftíma og stöðugu gengi.

9. Skuldbindingar

Skuldbindingar eru færðar upp í efnahagsreikningi ef líklegt þykir að félagið verði fyrir fjárhagslegum útgjöldum í framtíðinni vegna tiltekins atburðar eða viðskipta og hægt er að meta fjárhæð hennar með áreiðanlegum hætti.

10. Vaxtatekjur og vörslutekjur af inneignum

Vaxtatekjur og vörslutekjur af inneignum greinist þannig:

	2024	2023
Vaxtatekjur af útlánnum	30.070	26.949
Vaxtatekjur af bankainnstæðum	9.200	3.396
Tekjur af vörslusjóðum	520	2.177
Samtals	39.790	32.522

11. Starfsmannamál

Laun og launatengd gjöld greinast þannig:

	2024	2023
Laun	85.629	78.993
Lífeyrissjóður	13.835	14.152
Önnur launatengd gjöld	8.485	8.631
	107.949	101.776

Stöðugildi að meðaltali yfir árið	3	4
---	---	---

Laun stjórnar og framkvæmdastjóra eru sem hér segir:

	2024	2023
Laun framkvæmdastjóra	21.245	17.184
Laun stjórnar	8.370	6.120
Laun stjórnar og framkvæmdastjóra samtals	29.615	23.304

Skýringar, frh.:

12. Eignarhlutir í félögum

Breytingar á árinu greinist þannig:

	2024	2023
Eignarhlutir í upphafi árs	2.963.740	2.420.275
Fjárfest í nýjum eignarhlutum	155.214	616.529
Bókfært verð seldra eignarhluta	(175.644)	(117.793)
Niðurfærsla eignarhluta	(86.932)	44.729
Eignarhlutir í lok árs	2.856.378	2.963.740

Eignarhlutir í félögum eru færðir á kostnaðarverði eða gangvirði reynist það lægra í samræmi við 40. gr. og 70. gr. laga um ársreikninga þar sem þeirra er aflað eingöngu í þeim tilgangi að endurselja þá.

13. Eignarhlutir í félögum

Eignarhlutir í félögum greinast þannig í lok árs 2024:

Félag	Eignar- hluti	Félag	Eignar- hluti
3Z ehf.	20,3%	Kara Connect ehf.	10,8%
Akthelia ehf.	12,7%	Klappir grænar lausnir hf.	2,6%
Ankeri Solutions ehf.	14,0%	Lauf Forks hf.	15,3%
Atmonia ehf.	2,6%	Marea ehf.	4,2%
Bara tala ehf.	12,1%	Mint Solutions Holding BV	
Beqom SA (Pay Analytics ehf.) *	0,6%	(Medeye)	10,6%
Cooori Holdings Ltd.	4,0%	Mink Campers ehf.	16,1%
Dohop ehf.	4,2%	Mýsköpun ehf.	13,3%
Evolytes ehf.	18,4%	Parity ehf.	5,6%
Florealis ehf.	6,6%	Risk ehf. (Retina Risk)	5,0%
Flow ehf.	4,9%	Sweeply ehf.	10,1%
Genis ehf.	5,8%	Tulipop ehf.	1,9%
Hefring ehf.	24,2%	Tyme Wear inc.	11,1%
Horseday ehf.	10,3%		

Skýringar, frh.:

14. Samlagssjóðir og samlagshlutafélög

Breytingar á árinu greinist þannig:

	2024	2023
Samlagssjóðir í upphafi árs	864.600	364.600
Fjárfesting í samlagssjóðum	0	500.000
Útborganir samlagssjóða	0 (	21.094)
Breyting á niðurfærslu	0	21.094
Samlagssjóðir í lok árs	864.600	864.600
	Hlutdeild	Bókfært verð
Frumtak slhf.	100,0%	
Brú II	4,3%	
Kostnaðarverð í árslok		864.600

15. Útlán

Útlán greinast þannig:

	2024	2023
Útlán í upphafi árs	173.650	185.005
Ný útlán	40.000	128.461
Afborganir útlána	(14.700)	0
Útlánum breytt í hlutafé	(20.000) (	100.370)
Áfallnir vextir	7.006 (	12.668)
Niðurfærsla og endanleg afskrift útlána, breyting	0 (	26.778)
Útlán í lok árs	185.956	173.650

Útlán sem ætlað er að eiga fram á gjaldaga eru metin á kostnaðarverði að teknu tilliti til niðurfærslu til að mæta hugsanlegu tapi í framtíðinni.

16. Mótframlagslán

Mótframlagslán er lánaflokkur sem varð til í mótvægisáðgerðum stjórnvalda vegna COVID faraldursins. Nýsköpunarsjóður lánaði 755 millj. kr. til 24 fyrirtækja fyrir tilstuðlan ríkisvaldsins en forsenda lánanna var m.a. sú að félögin öfluðu mótframlags frá öðrum hluthöfum fyrir sömu fjárhæð og lánuð var. Lánin fóru ekki gegnum hefðbundið lánveitingaferli heldur voru skilyrði lánveitinga ákvörðuð með lagasetningu.

Frá upphafi hefur verið ljóst að um áhættusama lánveitingu var að ræða. Þrjú fyrirtæki hafa þegar endurgreitt lán fyrir samtals fjárhæð 100,9 m.kr. Tólf félög hafa umbreytt láni í hlutafé. Eftir standa lán til níu fyrirtækja. Gjaldfært varúðarniðurfærsla lánanna nemur 80,8 millj. kr. í lok árs.

17. Aðrar fjáreignir

Aðrar fjáreignir er nýr flokkur fjárfestinga hjá sjóðnum (SAFE samningar) og tengist átaki í fjárfestingum í sprotafyrirtækjum sem eru komin stutt á veg í sinni þróun. Á árinu var fjárfest í fimm verkefnum í tengslum við átakið fyrir 100 millj. kr. og nemur heildarfjárfesting í eignarflokknum 151,3 millj. kr.

Forsenda fyrir fjárfestingu er að félagið fái sambærilega fjárfestingu frá öðrum fjárfestum. Fjárfestingin kemur aldrei til endurgreiðslu heldur verður henni seinna meir breytt í hlutafé í viðkomandi félögum. Skiptagengið er ákvarðað út frá gengi í nýrri fjármögnun viðkomandi félaga að frádregnum 20% afslætti. Þá eru ákvæði í samningum um hámarksvirði félaga í slíkri fjármögnun. Nánari umfjöllun um samningana er á heimasíðu sjóðsins, www.nyskopun.is

18. Afskriftareikningur fjárfestingaverkefna

Breytingar á árinu greinist þannig:

	2024	2023
Afskriftareikningur í upphafi árs	1.190.477	1.228.868
Framlag í afskriftareikning	55.726	84.050
Endanlega töpuð fjárfestingaverkefni	(38.997)	(122.441)
Afskriftareikningur í lok árs	1.207.206	1.190.477

Afskriftarsjóður fjárfestingaverkefna greinist þannig:

Afskriftareikningur eignarhluta	1.020.330	913.399
Afskriftareikningur útlána	41.798	132.000
Afskriftareikningur samlagssjóða og samlagshlutafélaga	145.078	145.078
Afskriftareikningur í lok árs	1.207.206	1.190.477

Fjáreignir eru færðar niður til að mæta þeirri áhættu sem fylgir eignarhlutum, útlánnum og fjárfestingum í samlagssjóðum og samlagshlutafélögum. Lagt er í afskriftareikning árlega með hliðsjón af metinni áhættu hverju sinni en aldrei er virði eigna fært á hærra verði en kaupverði.

19. Markaðsverðbréf, fjárvarsla

Markaðsverðbréf, fjárvarsla greinist þannig:

Fjárvarsla í erlendri mynt	28.029	23.666
Fjárvarsla í íslenskum krónum	176.857	205.156
Markaðsverðbréf, fjárvarsla samtals	204.886	228.822

Skýringar, frh.:

20. Eigið fé

Innborgað stofnfé sjóðsins er samtals 5.522 millj. kr. Samkv. 7. gr. laga nr. 61/1997 um Nýsköpunarsjóð atvinnulífsins segir að eigið fé sjóðsins skuli að lágmarki vera 3.000 millj. kr. Lágmarksfjárhæð þessi skal taka breytingum í samræmi við vísitölu neyðsluverðs frá 1. janúar 2007. Eigið fé sjóðsins nam 4.874 millj. kr. í lok árs 2024 og til samanburðar er lágmarksfjárhæð sú sem sett er fram í lögum og vitnað er til hér að ofan 7.181 millj. kr.

Yfirlit um eiginfjárreikninga:

	Stofnfé		Ójafnað eigið fé	Samtals
Eigið fé 1.1.2024	5.521.767	(	771.529)	4.750.238
Hagnaður ársins			123.325	123.325
Eigið fé 31.12.2024	5.521.767	(	648.204)	4.873.563

22. Leigusamningar

Sjóðurinn hefur gert leigusamning vegna leigu á skrifstofuhúsnæði. Samningurinn gildir til 30. júní 2031 og nemur árleg leiga 14,5 millj. kr. og leiguskuldbinding í lok árs nemur 95,2 millj. kr. (2023: 104,9 millj. kr.)

23. Atburðir eftir reikningsskiladag

Þann 1. janúar 2025 var sjóðurinn lagður niður og nýr sjóður stofnaður af ríkinu, Nýsköpunarsjóðurinn Kría sem tók yfir allar eignir og skuldir sjóðsins og Kríu- sprota og nýsköpunarsjóðs.

24. Samþykki ársreiknings

Ársreikningurinn var samþykktur á stjórnarfundi hinn 10. mars 2025.